

第九冊 家傳譜

粵東簡氏大同譜

全譜裝
十二冊

公元二〇〇四年九月

謹按原譜印制于廣州

粵東簡氏大同譜

廣州簡氏祖祠門聯

嶺表開宗成周世胄
范陽重望季漢家風

順德簡岸系

二十世孫朝亮題



▲今廣州市太和鎮金釵嶺之簡文會狀元墓，和廣州市盤福路市二十七中學內之簡氏祖祠，乃羊城瑰寶，均已成為廣州市重點保護文物，並分別銘立雲石標記。

廣州市文物保護單位
簡文會狀元墓
(包括簡氏祖祠)

廣州市人民政府
一九九三年八月九日公布
一九九四年十一月一日立

●簡公文會，號魁岡，南海黎涌人。南漢乾亨二年（公元 918年）狀元及第，累官至尚書右丞。公才華超群，性耿不阿，為官清廉，甚有政聲。南漢乾和年間，公冒死直諫暴君劉晟除暴政，觸怒中宗，被貶謫為禎州刺史。公被貶后，仍盡心民事，興利除弊，終積勞成疾，死于任上。

●簡氏祖祠之建立，乃繼廣州桂香街簡氏書院暨簡氏十房祠創建（公元 1704 年）之後，嶺南簡氏宗族崇德、愛禮、敬賢、重教之又一重大舉措，功德無量。祖祠崇祀簡氏始祖周王室使命大夫師甫公，遠祖季漢昭德將軍憲和公，南漢狀元尚書右丞文會公等先祖名賢；又以簡氏家族自治社之名義在祖祠創辦衆賢中學，培育英才，顯揚四方。

●《粵東簡氏大同譜》面世至今，已逾七秩，經歷世代變換、人事變遷，世道變幻及環境變易，現仍完好幸存者寥若晨星，有瀕臨失傳之勢。鑒于此況，衆宗親議印大同譜之意切切。種德如種樹，順德勒竹系旅港宗親鑒江先生慷慨捐資港幣五萬五千元，以助印譜；同宗燦標、揚威、振雄、普權諸昆仲熱誠操辦印譜事宜。僅以此，爲承傳吾宗歷史典籍、弘揚中華民族文化盡綿薄之力。捐資者與操辦者商定：以普權先生1994年復印之譜本爲稿本，委托廣州市天河思龍印刷廠制作PS版印制398套（綫裝，每套13卷，分裝12冊，每套印制費人民幣120元）。印舊如舊，分送粵東各地親房及有關圖書館和文史機構，個人有償取譜。至于印譜后之余款及個人取譜所交款，鑒江先生認捐予屏山簡公佛廟。

● 聯系地址：廣州市番禺區鐘村屏山二村 郵碼：511495

聯系人：簡應秋 電話：020-84777000

13502445749

簡揚威 電話：020-84771109

13794342322



排左起應峰、燦標、揚威、鑒江、應秋。
左起但仔、振雄、揚威、普權；後
同譜付印議決會之到會昆仲：前排
▲二零零四年九月二十六日，大

中華民國十七年
戊辰春三月發印

粵東簡氏大同譜卷十

家傳譜

世傳

韋涌糸十二世雪舟公

族孫桂所公用卿公族曾孫南

韋公附

公諱雅字子桓號雪舟汝恭公主鬯裔孫而南莊公長子也身繫百世不遷之大宗族望羣尊奉直大夫巽山公告宗子而同脩墓蓋三世越五世六世暨十一世諸墓在蓮湖者皆脩焉宗子主其議族人助其功展墓賁然敬宗之道也敬宗者必睦鄉焉先儒謂睦者敬和也族孫善業字堯卿號桂所洞侶公仲子其兄卽北所公伯仲皆有稱桂所公爛於禮文言詞委婉鄉鄰范邵潘楊之睦多因以成其從弟善能字用卿邦達公子性勤

而儉祖嘗家業皆謹於自持蓋嘗業之公掌理如私家其敬宗可知矣族曾孫作顏字穎叔號南韋石川公仲子其兄卽起巖公仲濟伯美爲人孝友言行有坊表處鄉黨閒能排患解紛皆睦鄉之效也

據舊譜採訪冊參脩

謹按賁彼義反易云賁飾也詩有賁然之文說文云睦敬和也禮有坊記表記皆言之正也行讀去聲坊古通防排患解紛本史記魯仲連傳

韋涌糸十二世巽山公

孫安素公附

公諱閱字以賢號巽山汝恭公裔孫而東溪公庶長子也父郡歲貢有詩名僦羊城館因索租題壁云豈有黃金謝主人高歌

那遣動西鄰青春肯爲蘇貧骨萬里風雲早致身論者以此詩爲公發祥之兆云公樂有庭訓以易經補郡庠生弘治十一年戊午科舉於鄉公少與甘泉湛若水爲友德心篤愛相攜遊於白沙陳先生之門講學益明深體乎學而後入政之理由靜養達之動察自治治人以主敬而能立其誠中庸云誠者非自成己而已也所以成物也成己仁也成物知也性之德也合外內之道也故時措之宜也公聞道而勉期於斯者素有年官南京國子監學錄著名辟應擢北京國子監助教嘉靖初世宗至學命講書序內遂本所學而進講陳義皆明稱上旨賜白金文綺以從八品超正六品特授浙江衢州府通判遂攝龍游縣事此以郡佐而兼邑宰也生平志學履而行之上不負天子下不負

所學於是郡人稱之曰持身簡重行政不苟忠信廉明愛民禮士何所稱之善頌也持身爲行政之原簡則無煩重則必厚故政不苟而愛民其要在行之以忠信之誠斯無欺者必廉潔廉潔不污而明生焉其愛民之政皆明察而行由是取人以身得人爲政賢大夫因愛民而禮士豈禮虛文哉彼士之報禮者無不告賢大夫以愛民之政此所由成其有治才之名也考績晉秩從五品階奉直大夫嘉靖八年己丑致仕蓋公年六十有五矣禮大夫七十而致仕公庶幾乎禮之近也亦知止也其後郡人聯籲於大吏而告之天子詔入祀名宦祠泰泉黃文裕公佐以庶吉士任南京國子祭酒在嘉靖九年也時公旣致仕矣而黃泰泉歷官於南知公政績嘗題公之堂曰三衢名宦蓋衢州

通三越故曰三衢公致仕後鄉居脩家譜既成湛甘泉序之曰
以賢脩譜糸一書洵足爲後人模範久而彌光可謂秉禮之君
子矣黃泰泉序之曰夫世祿之家多聲名貨利而圖有能追念
先德垂裕後昆如以賢公者不空谷足音歟蓋黃序言世祿者
以肖二公宣德郎念三公宣敎郎汝恭公儒學敎授應子公朝
議大夫少珍公迪功郎英孫公朝奉大夫六世相承皆天祿也
公年九十一嘉靖三十四年乙卯歲閏十一月十五日公卒子
成九字鳳儀孫禧佚其字號安素敏而好學博物洽聞以家食
自遂盤桓松菊閒澹然爲名宦子孫也曾孫幼睿幼智明亡皆
殉國死自有傳

據衢州府志番禺縣志舊譜參脩

謹按舊譜云東溪公題壁詩少卿陳公贊

選入嶺南珠玉集蓋選本有刪句今從選本錄之

又按詩魯頌有德心之文知也讀知去聲
陳獻章字公甫諡文恭新會白沙鄉人明
史儒林傳云獻章之學以靜爲主其教學
者但令端坐澄心於靜中養出端倪蓋由
朱子主敬之說而以主靜爲自得也湛若
水字元明增城人弘治五年壬子舉於鄉
明史本傳云若水以隨處體驗天理爲宗
蓋巽山公之師友有如此而公則資之或
謂公與若水同年鄉舉非也蓋同學也若

水年九十五公亦永年學而後入政襄三
十一年左傳文漢書稱周勃重厚蓋重則
必厚也知止本漢書疏廣傳黃佐香山人
諡文裕時稱曰泰泉

又按舊譜云嘉靖己丑公致仕縉紳各製
序文以送文多不錄惜也何其不擇要而
錄邪

又按番禺舊志選舉表云簡閱祀名宦據
此則義當立傳而舊志乃無傳者此採訪
之疏也及吾宗脩大同譜時番禺方脩志
簡岸系朝亮與公族孫約之酌焉乃錄衢

州府志文補報志后諱補傳上巳同治十
一年南海續志補錄明正統閒簡宗茂在
節義傳第一人此先例也志局如所請今
番禺志本傳蓋補傳也此由補報不宜他
及惟錄衢州府志文明其足徵也其錄志
文外僅云閱年九十一卒於嘉靖三十四
年此衢州府志不及詳今補報及焉故補
傳之文如補報爲之無他及也

又按巽山公致仕時衢州士大夫饋以金
帛皆不受惟受所贈浙產物山茶樹取歲
寒之節山礬花取古香之壽公受而攜以

歸植於七世北山祠東詳祠宇譜

車陂糸十二世天遊公

子純之公從子美卿公族來孫
暉祐公族仍孫熾雲公附

公諱司屏字耀參號天遊廷審公十二世孫而伯理公子也博學多聞以硯耕代祿有古人安貧樂道之風觀型於家其室人能和平相樂公年六十九子其琛字純之忠直有家學羣舉其掌七世同章祖嘗務存白金百兩有奇盜夜劫其金純之年六十九與長子翼龍追盜被害此見其忠直之心爲祖而死誠不負所學焉從子其英字美卿迥凡公子敏而好學宗經酌史終老儒林年七十好學不倦族來孫秋朗字暉祐明弼公子生平最好讀書教子以正學義方肅然和而睦族宗人敬之族仍孫祿燾字南垣號熾雲琬亭公子本原家學以經義教授事親孝

在父母前未嘗疾言遽色其所處不矜己能不與人爭雖橫逆
不較不言人之不善其心好生而愛物卒於光緒十七年辛卯
歲年若干

據舊譜採訪冊參脩

謹按奇讀幾乎聲橫讀去聲來孫仍孫詳

韋涌糸九世松庵公傳

車陂糸十二世蕙堂公

族昆弟瀚海公族曾孫國驥公族來孫秋政公秋勝公族昆孫

福顯公福仁公族仍孫祿閏公附

公諱司桂字蘭子號蕙堂廷睿公十二世孫而東藩公子也公
孝于親友于兄弟其推孝友之行以敦敘之則又睦于宗族其
與他人處皆和平故朋友之交每重其行而所交遂廣年登八
十遠邇羣來而慶壽焉皆曰斯國民之老其素行足稱者乎蓋

異口同稱毋庸以慶壽浮藻之文爲也公族昆弟躍鯉字魏子號瀚海芳萼公子生平不苟且守吾分而安天命年七十宗人敬之公族曾孫國驥名以字行光進公子生平一心好義見利未嘗妄取年八十六語云及其老也戒之在得斯奚煩戒歟公族來孫秋政名以字行泰連公子生平寡慾頤養和平年方八十而不衰又族來孫秋勝原名求今行其字泰敏公子和氣能與人諧自少商旅島國迨年七十餘還鄉田園自樂年九十六上壽也語云仁者壽遠遊知反桑梓依依不忘其本仁者心也公族昆孫福顯原名第佚其字秋聲公子質遷忠厚無奸商機心之習年八十六又族昆孫福仁原名蘇九佚其字秋龍公子事親能孝其安貧則孝子絜白也其樂業則庶人之孝宜然也